

## **Nalunaarasuartaateqarneq pillugu Maalaaruteqartarfiup sulinera pillugu Namminersorlutik Oqartussat nalunaarutaat nr. 12, 4. november 2013-imeersoq**

Nalunaarasuartaatitigut atassuteqarneq nalunaarasuartaatitigullu kiffartuussinerit pillugit Inatsisartut peqqussutaanni nr. 17-imi, 20. november 2006-imeersumi § 21 naapertorlugu aalajangersarneqarpoq:

### Maalaarutininik tunniussisarneq

§ 1. Nalunaarasuartaateqarneq pillugu Maalaaruteqartarfik suliani, Nalunaarasuartaateqarnermut Aqutsisoqarfiup aalajangiineri suliaalu pillugit maalaarutininik, aammalu inatsisit tunngavigalugit inatsisiliat peqqussuiallu malillugit Nalunaarasuartaateqarneq pillugu Maalaaruteqartarfimmut tunngasunut allaffissornikkut inaarutaasumik aalajangiisarpoq.

§ 2. § 1, imm. 1 naapertorlugu maalaarutit Nalunaarasuartaateqarnermut Aqutsisoqarfiup suliami aalajangiineraniit kingusinnerpaamik sapaatit akunnerisa arfineq pingasut qaangiunnerini Nalunaarasuartaateqarneq pillugu Maalaaruteqartarfimmit tiguneqarsimassapput.

Imm. 2. Aalajangiinerimut atatillugu oqartussaasut suliarinninneranut maalaarut siusinnerpaamik aalajangiinerup pinerani Nalunaarasuartaateqarneq pillugu Maalaaruteqartarfimmut tunniunneqarsinnaavoq. Aalajangiisoqarsimatinnagu oqartussaasut suliarinninnerannut maalaarutit Nalunaarasuartaateqarneq pillugu Maalaaruteqartarfimmut ingerlaavartumik tunniunneqarsinnaapput.

Imm. 3. Nalunaarasuartaateqarneq pillugu Maalaaruteqartarfiup allattoqarfiata maalaarut tigujumangissinnaavaa,

- 1) kingusinaarluni tunniunneqarsimappat, taamaattorli tak. imm. 5,
- 2) Nalunaarasuartaateqarneq pillugu Maalaaruteqartarfiup aalajangiisinnatitaaffiit ilaanngippat, imaluunniit
- 3) maalaaruteqarnissamut pisinnaatitaaffeqanngitsumit tunniunneqarsimappat.

Imm. 4. Nalunaarasuartaateqarneq pillugu Maalaaruteqartarfiup allattoqarfiata imm. 3 imaluunniit § 3, imm. 3 naapertorlugu maalaarummik tigusi-mannginnermut peqatigitillugu maalaaruteqartumut ilisimatitsissutigissavaa, tigusi-mannginnermik aalajangiinerimiit kingusinnerpaamik sapaatit akunnerisa arfineq pingasut qaangiunnerini tigusi-mannginnermik aalajangiineq Nalunaarasuartaateqarneq pillugu Maalaaruteqartarfimmut maalaarutigineqarsinnaasoq.

Imm. 5. Pisuni immikkut ittuni Nalunaarasuartaateqarneq pillugu Maalaaruteqartarfiup siulittaasuata imm. 1-imi piffissarititaasumik uniuinissaq immikkut ittumik akuersissutigisinnavaa, tassunga ilanngullugu pingaartumik piffissarititaasumik qaangiinissaq peqqutissaqartutut nalilerneqarpat.

### Maalaaruteqarnermut akitsuummik akiliisarneq

§ 3. Maalaaruteqartup akitsuut 6.500 koruunisoq akilertussaavaa. Maalaaruteqartoq inuinnaappat, aammalu maalaarut maalaaruteqartuinnarmut tunngasuuppat, akitsuut 150 koruuninut

appartinneqassaaq.

Imm. 2. Imm. 1-imi allassimasoq apeqqutaatinnagu maalaarutinit, taamaallaat pisortat ingerlatsinerat pillugu Inatsisartut inatsisaat imaluunniit ingerlatsineranni suliassanik suliaqartarneq pillugu Inatsisartut inatsisaat naapertorlugu allagaatinik takusaqarsinnaanissamut itigartitsinermut tunngasunut akitsuummik akiliisitsisoqassanngilaq.

Imm. 3. Akitsuut taaneqartoq maalaarummut ilanngullugu tiguneqanngippat, imaluunniit allattoqarfimmit piffissaliussap naammaginatarmik sivisussuseqartup iluani akitsuut akilerneqanngippat, Nalunaarasuartaateqarneq pillugu Maalaaruteqartarfiup suliaq tigujumanngettussaavaa.

Imm. 4. Nalunaarasuartaateqarneq pillugu Maalaaruteqartarfiup siulittaasuata akitsuutip akilerneqartup utertinneqarnissaa aalajangissavaa,

1) Nalunaarasuartaateqarneq pillugu Maalaaruteqartarfiup maalaaruteqartoq maalaarummi tunniunneqartumi tamakkiisumik ilaannaasumilluunniit taperserpagu,

2) oqartussaasut maalaarummut aalajangiisimasut Nalunaarasuartaateqarneq pillugu

Maalaaruteqartarfiup suliamut aalajangiinissaa sioqqullugu suliaq qaqeqqippassuk, imaluunniit

3) Oqartussaasut maalaarummut aalajangiisimasut maalaaruteqartup tunngavigisaa naapertorlugu aalajangiinertik allanngortippassuk.

Imm. 5. Nalunaarasuartaateqarneq pillugu Maalaaruteqartarfiup § 2, imm. 3 naapertorlugu maalaarut tigujumanngettupagu, § 2, imm. 4-mi Nalunaarasuartaateqarneq pillugu Maalaaruteqartarfiup tigusiumanngetteranik suliakkiinissamut piffissaliussap naanerani akitsuut utertillugu akilerneqassaaq.

#### Kinguartitsinermik sunniuteqartitsisarneq

§ 4. Nalunaarasuartaateqarnermut Aqutsisoqarfiup aalajangiinera pillugu maalaarut, Nalunaarasuartaateqarneq pillugu Maalaaruteqartarfiup kinguartitsinissamik sunniuteqalersissinnaanngilaa.

#### Suliassanik suliaqartarneq

§ 5. Suliassap piareersarneqarnera Maalaaruteqartarfiup allattoqarfiata isumagissavaa. Allattoqarfiup suliassaa Maalaaruteqartarfiup siulittaasuanit aqqissuunneqassaaq.

#### Maalaaruteqartarfimmut ataatsimiigiallissarisarnerit

§ 6. Nalunaarasuartaateqarneq pillugu Maalaaruteqartarfiup siulittaasuata Maalaaruteqartarfiup ataatsimiinnissaanut piffissaq sumiiffissarlu aalajangissavaa.

Imm. 2. Nalunaarasuartaateqarneq pillugu Maalaaruteqartarfimmut ilaasortat nalinginnaasumik sapaatit akunnerat ataaseq sioqqullugu aggersarneqartussaapput. Pissutsilli immikkut itsillugit piffissarititaasoq taanna saneqqunneqarsinnaavoq.

Imm. 3. Ataatsimiigiallissarisarnerit Maalaaruteqartarfiup ataatsimiinnerani oqaluuserisassat, aammalu allattoqarfiup suliassanut ataatsimiinnermi suliarineqartussanut ilisarititsissusiaa ilanngullugit nassiunneqassapput. Najooqutassat atortut elektroniskiusut atorlugit nassiunneqarsinnaanersut,

allatulluunniit atorlut elektronikusut atorlugit takuneqarsinnaalersinneqarsinnaanersut Nalunaarasuartaateqarneq pillugu Maalaaruteqartarfiup isumaqatigiissutigisinnaavaa.

#### Maalaaruteqartarfiup ataatsimiittarnerit

**§ 7.** Ilaasortat ikinnerpaamik affaat najuuppata, Nalunaarasuartaateqarneq pillugu Maalaaruteqartarfik aalajangiisnaatitaavoq.

Imm. 2. Nalunaarasuartaateqarneq pillugu Maalaaruteqartarfiup aalajangiisnaatitaavoq nalinginnaasumik amerlanerussuteqartarneratigut aalajangiiffiqarneqartassapput. Taasisut nalingiinnerini siulittaasup taasinera aalajangiisuussaaq.

Imm. 3. Ataatsimiinnerit imaqarniliorneqassapput. Ilaasortaq ataaseq aalajangiinnermut isumaqataangippat, taassuma isummami imaqarniliamut allanneqarnissaa pisinnaatitaaffigaa. Imaqarniliaq Maalaaruteqartarfiup ataatsimiinnerani tullermi akuerineqassaaq.

Imm. 4. Nalunaarasuartaateqarneq pillugu Maalaaruteqartarfiup ataatsimiinneri tamanut ammasuunngillat.

#### Maalaaruteqartarfiup aalajangiinnerisa suliarineqartarneri

**§ 8.** Nalunaarasuartaateqarneq pillugu Maalaaruteqartarfiup aalajangiinneri siulittaasumit oqaasertaliorneqassapput.

Imm. 2. Taasinerit ikinnerussuteqartarnerat aalajangiinnermut tunngavilersuutitalerlugu allanneqassaaq. Kiisalu isummernerni taasisut amerlassusii, kiisalu siulittaasoq ikinnerussuteqartunut taaseqataasimanersooq allanneqassaaq.

Imm. 3. Nalunaarasuartaateqarneq pillugu Maalaaruteqartarfiup aalajangiinnerisa piaartumik illuatungiliuttumut ilisimatitsissutigineqarnissaat Nalunaarasuartaateqarneq pillugu Maalaaruteqartarfiup siulittaasuanit isumagineqassaaq.

#### Ukiumoortumik nalunaarut

**§ 9.** Ukiut tamaasa aprilip ulluisa aallaqqaataata nallinnginnerani qaammatisiutit malillugit ukiumi ilivitsumi qaangiuttumi Nalunaarasuartaateqarneq pillugu Maalaaruteqartarfiup suliai pillugit Nalunaarasuartaateqarneq pillugu Maalaaruteqartarfik nalunaarusiussaaq. Nalunaarut Naalakkersuisunut nassiunneqassaaq.

#### Atuutilerfia

**§ 10.** Nalunaarut 1. marts 2014-imi atuutilerpoq.

Steen Lyng

/

Ann Birkekær Kjeldsen